

*vedador di stratioti, di 19.* De certo inconveniente seguito, come apar per una letera notada qui avanti, e leta im pregadi, dil provedador Zivran dito, per la qual se intenderà il tuto.

*Dil cardinal Regino, legato in Romagna, data a Ymola, a la Signoria, fo leto una letera.* Come prega la Signoria, non sia dato il possesso di l' abazia de Vidor a niun, ma li sia riservata, atento la expetativa l' ha etc.

Nota. In questa matina, poi 4 conselj et parlato do zorni, sier Piero Antonio Morexini, auditor nuovo, come synicho mandato a Trevixo, messe di retenir sier Alvixe Valaresso, *quondam* sier Cabriel, è li in exilio, fo nostro condutier, per manzarie fate a' villani etc. Et compito, mandato la parte di la retenzion, contradise sier Mafio Lion, el 40, *quondam* sier Lodovico, dicendo, si dovea andar per capitoli etc. Andò la parte: 14 non sincere, 36 di no, 24 de si, et pende. Diman sarà spazata, et fo do quarantie, zivil e criminal.

Da poi disnar fo pregadi per scriver in corte.

*Di Padoa, di provedadori e rectori, di ozi, horre XV.* Come in quella note haveano visto fuogi verso Gruntorno, non sano quello sia, zoè dove è alozato il campo nimicho. *Item*, li stratioti ancora non erano tornati, ni cavali lizieri. *Item*, il Moro e Griti, provedadori, stavano meglio.

*Di Feltre, dil provedador Dolfim.* Voria 400 fanti; sente novità di sopra, et perhò si fazi provisione. Lui starà in campagna.

*Di Cividale, dil provedador Balbi. De occurrentiis.* Quelli inimici voriano ben convicinar, etc., pur non ha zente.

*Di Gradischa, di sier Alvise Mocenigo, el cavalier, provedador zeneral.* Come sente pur di sopra qualche movesta, et perhò si voria mandar qualche pressidio li, e altre provisiom el fa.

Fo posto, per li savij, una letera a l' orator in corte, *ut in ea*. Concludi dita liga comme si pol, et fazi la quietation di le terre e danari a Spagna. *Item*, di Vicenza la volemo, dandoli li 30 milia et 300 milia, et semo pregati da Franza di acordarsi, con altre particolarità. In questa parte non fu sier Antonio Trun, procurator, e contradise, e non vol dir di Franza, nè si fazi quietation di terre. Li rispose sier Zorzi Emo, savio dil consejo. Ave 40 dil Trun, il resto di savij.

Fu posto, per li savij diti, una letera a sier Andrea Badoer, orator nostro in Ingaltera. Avisarli di successi, et solliciti il re a la conclusion di la trieva e svegliarsi contra Franza, si vol far imperador de Italia, e altre particolarità. Fu presa.

*I Diarii di M. SANUTO. — Tom. XII.*

Fo posto, per li savij, una letera a sier Antonio Züstignan, dotor, orator nostro, in risposta di sue, et che vedi exortar a l' acordo comemorando etc. Et sier Antonio Trun, procurator, messe, dovesse repatriar; e, non volendo l' acordo, li protestasse etc., ma ave poche balote.

*Di Mantova, di Paulo Augustini, dal banco, di 22.* Come il marchexe è zorni 8 è in leto amalato, e si questo non fusse, saria venuto fino a Verona. *Item*, che a Peschiera è ben 2000 guasconi e altri fanti zonti, ma non verano di longo per non haver auto danari. *Etiam* vi he una banda di artellarie e scrive la zorte. *Item*, che il campo nimicho anderà a Treviso et vederà di far una punta, e non lo potendo aver, non resterà in campo atorno, ma ruinerano il paese et ritornerano indriedo, e verano a Mestre per tuor il soccorso da Trevixo, et altre particolarità, *ut in litteris*.

Fo in questo pregadi stridà li debitori vieneno im pregadi, e quello dieno dar, zercha numero 25.

Sier Lucha Zen, procurator.

Sier Nicolò Michiel, dotor, cavalier, procurator.

Sier Marin Morexini, fo avogador.

Sier Anzolo Malipiero, è di pregadi, *quondam* sier Thomà.

Sier Michiel Memo, è di pregadi, *quondam* sier Antonio.

Sier Marco Orio, è di la zonta, *quondam* sier Piero.

Sier Alvixe d' Armer, è di la zonta, *quondam* sier Simon.

Sier Marin Corner, è provedador al sal, *quondam* sier Polo.

Sier Francesco Nani, fo consier, *quondam* sier Giacomo.

Sier Piero Nani, fo provedador e capetanio a Treviso, *quondam* sier Giacomo.

Sier Lunardo Emo, *quondam* sier Zuam, el cavalier.

Sier Luca Vendramin, dal banco, *quondam* sier Alvise.

Sier Marco Zacaria, el 40, *quondam* sier Piero.

Sier Hironimo di Renier, el 40, *quondam* sier Gasparo.

Sier Giacomo Morexini, *quondam* sier Carlo.

Sier Francesco Malipiero, *quondam* sier Perazo.

Sier Zuam di Prioli, *quondam* sier Piero, procurator.

Sier Francesco Ruzini, è sora i daj.

Sier Nicolò Donado, fo consier.

Sier Moixè Venier, el provedador al sal.